

kya fudiilo kya bantu babi. Ngi bwa kini ami nenka n'Obe, wemunkwate kwiya dibalume ; Okankunkusha ku kishaleelo kyobe, kubaapu Okantambula mu ntumbo yobe. A nani ungi andji naye kwiwulu kukasha nkoobe ? Na pa senga nasangala'nka moodi. Musamba wande n'eshimba dyande bibya kutaata : Efile-Mukulu akekala'nka lubwebwe lwa eshimba dyande na bupyani bwande. Mwanda talanga, baaba abende kula n'Obe abatutshika ... bwande'mi, kwisesela pepi n'Efile-Mukulu, ni buwa byande : natulu kifyamino kyande mwi Fumu, Ayikalayika, pamwanda wandya kulungula mikitshino yoobe yoso.

(Ngono 73:2,3,16,17,23-28)

Eshinda dya muulo

Ikalaayi na muulo misuusa yoso mu Fumu ... Fumu taadi peepi.

(Bena Fidipi 4:4,5)

Yesu nabeene, pakwisesela peepi, babangile kutambuka nabo. Na babelungusheene'shi : Eshimba dyetu taaditembanga munda mwetu, payikalanga neetu mwishinda, na petufungwilanga bifundwe su ?

(Luuka 24:15,32)

Fumu Yesu akula'shi : ami nee neenu mafuku oso mpaa na kufudilo a senga. Aye nabeene akekala noobe, taaka kusumbushena nya, taaka kuleka nya ; totshinanga na tweekalaa na moo.

(Mateo 28:20; Ditenome 31:8)

Byabya ambulaayi Efile-Mukulu, bu baana bafudiibwe kifulo, bu bibetufuule namu Kilisto na belubwile aye nabeene bu mulambu pa mwanda weetu na bu kitapilo kwi Efile-Mukulu, kya malaashi a mapeembwe ee buwa. Na kifulo kii bino'shi, tutambukye muyile milango yaye.

(Bena Efeso 5:1,2; 2 Yoano 6)

© C.E.R.S. –B.P. 1673 Kananga
République Démocratique Du Congo
Email: 33eme.cers.lit@gmail.com
<http://www.33eme-cers.org/>

ESHINDA DYA MUWA 1



ESHINDA DYA MUWA 1

Fumu Yesu Kilisto amba'shi : Ami n'eshinda, n'eyendo, na muwa.
(Yoano 14:6)

Ami, ne wini mukate wa muwa, yawa afiki kwandji takeekala na sala ; na yawa akankumiina takeekala na nyota. Ami, ne etaata dya senga ; yawa andondo'mi takatambukila mu mufito nya, anka akeekala na etaata dya muwa. Ami, ne lusangukilo na muwa, yawa akumiina mwandji, suunga ekala bapu kufwa, akeekala na muwa. Na su muntu atala na su akumiina mwandji takafu nya.
(Yoano 6:35, 8:12, 11:25)

Ndeshe buwa boobe kubanga ku namashika ! Kumwanda ne mukukulupile. Ngukishe eshinda dyandyaa kutambukila ! Mwanda ne mwibooshe muwa wande modi. Okangukisha kashinda ka muwa ; mwi muloo wibungi kumpala koobe, kusepeela kwa yikalayika ku mboko yobe ibalume.
(Ngono 143:8, 16:11)

Efile-Mukulu ande ! Moodi mwandji mukulupile ... ngukishe mashinda oobe, ndongyeshe tushinda toobe. Nkunkushe mw'eyendo dyobe, na ndongyeshe ; mwanda w'Efile-Mukulu a kipandjilo kyande.
(Ngono 25:2-5)

Eshinda dya bukalabwino (kyukilo)

Nankakulambukisha na nankakuleesha eshinda dya kulonda ; nankakulanga, meso ande aakekala poodi. Matwi oobe aakapusha ku mongo koobe eyi adikakulungula'shi : Tala eshinda, emutambukile !
(Ngono 32:8, Esaya 30:21)

Nankuleesha eshinda dya bukalabwino (kyukilo), nankukunkusha mu tushinda twa kululama. Pokemutambukila, lutaba lobe talukekala na lukalakashi ; na su bosuuku kabilo, tokaselemuka'be. Kamiina elango, twediposolaanga ; edilame, mwanda ndikale muwa oobe ... Totambukilanga mw'eshinda dya bantu babi. Edipele, twepakiilanga, edibambaale, na okiile lungi lupese. Mwanda abo tabebyakulaala suntabakite bubi ... kashinda ka balulame kebu etaata adipenyapenya, kekale na ebaakani aditama mpaana

munkatshi mw'efuku. Lama eshimba dyobe kukila kingi kintu kyoso, mwanda kwadidi ngy'akufikaa sulo ya muwa. Talula eshinda dyokilaa, na'shi mashinda oobe ooso alumbuulwe kalolo ; tobendamanga sungwa lupese lubalume sungwa lubakashi, na kasha lwawo lobe ku bubi.
(Nkindji (Myele) 4:11-18,26,27)

Eshinda dya kipandjilo

Takwi mululame su ngumune tekwaka ... takwi suunga ngumune akimbi Efile-Mukulu, booso bwabo ni mbalube, babeyikasha banabeene bu bantu babisumanga, takwi muntu akitshi biibuwa, takwi suunga ngumune. Takwi kwilekeena nya, mwanda booso mbalwishe na bekula na ntumbo y'Efile-Mukulu.

(Looma 3:10-12,23)

Ba mwanaana, nkite kini byandya kupashiibwa ? ... Kumiina Fumu Yesu-Kilisto, ngi okapashiibwa. Su obwela kukanwa koobe'shi Yesu ni Fumu, na su okumiina mwishimba dyobe'shi Efile-Mukulu bamubushiishe ku bafwe, okapashiibwa. Mwanda kukumiina mwishimba akufwishaa kululama, na kukanwa akushinkamishaa kipandjilo. Mwanda bifundwe abyamba'shi: ooso akakumiina mwadji takakwatshiswa buufu nya ... Mwanda ooso akayitanyina eshina dya mwanana akapashiibwa.

(Mikitshino 16:30-31; Looma 10:9-13)

Kilisto bafwiile pamwanda wa milwisho yeetu, muyile bifundwe ... atukapanduka namini, su atubengyeshena kino kipandjilo ki bino bukata ?
(1 Bena Kolente 15:3; Bena Ebeleo 2:3)

Eshinda dya bantu babi

Eshinda dikampanda dikumwekwa bu dilulame kwi muntu, anka sulo yadyo ni eshinda dya lufu.
(Nkindji (Myele) 14:12)

Anka, lwawo lwande lubadya kubondama, ntaba yande tayibaadi pa kaselemuka; mwanda naadi nalakila bitesha, mu kumona kwa buwa bwa bantu babi. Panangyele binangu bikaamine bwashi nimone etaata, lutato lubaadi lukata ku meso kwande, mpaana panankatwela mu kishalelo ki selelee ky'Efile-Mukulu na panankadimukila kipeta